

չեալ առ ինքն զնոր Բաղաքապետն՝ պատուիրեաց նմա չը-  
լինել ունկնդիր բանից, որք մատուցանեն զպարտամուր-  
հակս, եւ ցՀայս ասէ, դրեցից 'ի Դուռն թէ Դատաւորն  
յետ վճռոյ ժողովոյն ոչ կամեցաւ տալ զիւրաքս։ Եւ յաւուր  
միում չորքան կարապետ եպիսկոպոս եւ Յովհաննէս վար-  
դապետ 'ի տուն Նախիպին, ուր էր Դատաւորն, զի միջնոր-  
դութեամբ նորին ողորդեսցեն զնա տալ զիւրաքս, և սկիզբն  
արարեալ բանից, խօսէին. սրտմտեալ նորա սկսաւ նախա-  
տել զնոսա անպատեհ բանիւք, եւ ընթացեալ արտաքս  
բոկոտն երթալ փակել զդատարանն, զի ոչ երկնչիմ ասէր  
'ի Բդեչխէն եւ ոչ ունկնդիր լինիմ բանից նորա։ Սակայն  
այլազգիք ողորմանօք դարձուցին զնա յետս, եւ վարդա-  
պետքն մեկնեցան անտի։

Եւ 'ի սոյն աւուրս, մինչդեռ Բդեչխն յերուսաղէմ էր,  
եհաս անդ և Լիւսդրացին Յակոբ, և մատուցեալ գիր ա-  
ղաչանաց խնդրէր 'ի Հայոց զառնելիս իւր և զերից ամաց  
տոկոսիս նորին, և ապա յաւելոյր ասել, թէ անիրաւու-  
թեամբ խնդրեն դոքա զիւրաքս վասն պարտուց իւրեանց,  
զի 'ի վասն դոցա ձեռամբ իմով եղեալ և կնքեալ եմ զինչս  
աւելի քան 40,000 քսակի, և զայլ բաժաղանս։ Ետ կոչել  
Բդեչխն և զՅովհաննէս վարդապետ, կոչեաց և զՅակոբ,  
և իբրեւ եհարց թէ զինչ խնդրես, յայտ արար թէ 50,000  
դահկեան զառնելիս իւր՝ առաջի եղեալ դրեանս 5, որք  
էին անդորրազիրք Պօղոս և Գարրիէլ Պատրիարքաց։ զայն  
տեսեալ Յովհաննու կշտամբեաց զնա, թէ այս ատեան  
Վէլիլի է և ոչ խանութ փէրէզակի թոթափել զանպէտ  
թղթեանս, և 'ի սաստել Բդեչխին՝ ժողովեալ զայնս եհան  
զմուրհակն բազմակնիք. և 'ի բազմանալ բանից յերկուց  
կողմանց, եհան զնա Բդեչխն յատենէ իւրմէ՝ պատուիրեալ  
նմա սպասել ժամանակի բաժնի, և ապա ասէ ցՅովհաննէս  
վարդապետ, թէ Յոյնք վասն այսպիսեաց առին հրովար-  
տակ արքունուստ, եթէ ոք թողեալ զհայրենի կրօնս եւ  
յարեսցի յայլ, ինքն գլխատի եւ ինչք նորա յարքունիս  
գրաւին։

Եւ յետ այնորիկ առեալ Բդեչխին ընդ իւր զՅովհան-  
նէս վարտապետ դարձ արար 'ի Դամասկոս (յՅ1 Դեկտեմ-  
բերի)։ Զկնի մեկնելոյ Բդեչխին զհետ եղեն Խորհրդա-